

## Francuski carinici pronašli više od tone kokaina



Francuski carinici pronašli su više od tone kokaina skrivenog u pošiljci palminog srca u normandijskoj luci Le Havre.

Ministar za budžet i javnu upravu Gerald Darmanin u srijedu je izjavio kako je zapljena najveća u Francuskoj do sada, a procijenjena tržišna vrijednost pronađene droge iznosi više od 74 miliona eura, prenosi AP.

Darmanin je rekao da je kokain težine 1.066,5 kg pronađen zamotan u 15 svežnjeva u posudama sa palminim srcima i da je iz Ekvadora u Francusku došao preko belgijske luke Antwerpen.

Prošle godine, francuski carinici su zaplijenili 12,2 tone kokaina, što je 32,6 posto više nego godinu prije.

(fena)

Date: 15-08-2019